

QA
241
63
1801
82
1811

SERENISSIMO

PRINCIPI AC DOMINO

CAROLO GVILIELMO FERDINANDO

BRVNOVICENSIVM AC LVNEBVRGENSIVM
DVCI



PRINCEPS SERENISSIME

Summae equidem felicitati mihi duco, quod Celsissimo nomini *Tuo* hoc opus inscribere mihi permittis, quod vt *Tibi* offeram sancto pietatis officio obstringor. Nisi enim *Tua* gratia, Serenissime Princeps, introitum mihi ad scientias primum aperuisset, nisi perpetua *Tua* beneficia studia mea vsque sustentauissent, scientiae mathematicae, ad quam vehementi semper amore delatus sum, totum me deuouere non potuissem. Quin adeo eas ipsas meditationes, quarum partem hoc volumen exhibet, vt suscipere, per plures annos continuare literisque consignare liceret, *Tua* sola benignitas effecit, quae vt, ceterarum curarum expers, huic imprimis incumbere possem praestitit. Quas quum tandem in lucem emittere cuperem, *Tua* munificentia cuncta, quae editionem remorabantur, obstacula remouit. Haec *Tua* tanta de me meisque conatibus merita gratissima potius mente tacitaque admiratione reuoluere, quam iustis dignisque laudibus celebrare

possum. Namque non solum tali me muneri
haud parem sentio, sed et neminem ignorare
puto, solennem *Tibi* esse tam insignem liberali-
tatem in omnes qui ad optimas disciplinas ex-
colendas conferre videntur, neque eas scientias,
quae vulgo abstrusiores et a vitae communis vti-
litate remotiores creduntur, a patrocinio *Tuo* ex-
clusas esse, quum *Tu* ipse intimum scientiarum
omnium inter se et necessarium vinculum mente
illa sapientissima omniumque quae ad humanae
societatis prosperitatem augendam pertinent
peritissima, penitus perspexeris. Quodsi *Tu*,
Princeps Serenissime, hunc librum, et gratissimi
in *Te* animi et laborum nobilissimae scientiae di-
catorum testem, insigni illo fauore, quo me
tamdiu amplexus es, haud indignum iudicaueris,
operam meam me non inutiliter collocasse, eius-
que honoris, quem prae omnibus in votis habui,
compotem me factum esse, mihi gratulabor

PRINCEPS SERENISSIME

Brunouici mense Julio 1801.

Celsitudinis *Tuae*
seruus addictissimus
C. F. Gauss.

181